

76643

340.233

42.1

39 = 210

第 拾 冊

卷二十三

藝文類一

記

卷二十四

藝文類二

賦引疏序

詩歌啟傳

卷終

捐貲姓名

陸川縣志

林壽棠題

籤

題

題

陸川縣志卷之二十三

藝文類一記

記

重建陸川縣儒學記

石志

明學使周孟中

陸川儒學舊在城南一里所興建者屢矣天順間知縣李瑄始遷置城南門內縣治之東堂殿齋廡茅舍竹籬相間逼近民房非惟不足以妥祀聖賢而師生朝夕講誦亦無所止息上下病之孟中稟命督學謁廟之日徘徊周覽大懼無以稱上旨既退諸生請曰學舍近民居湫隘殊甚遷復舊所便余躬謁自視已謂諸生曰茲地盜賊淵藪前之興廢不常者職此之由可再誤

陸川縣志

卷之二十三

藝文類一記

耶圖所以重建者而難其費校士之餘爰請於巡撫秦公絃曰前都御史朱公發銀六百兩修貴縣學宮今尚存二百兩願舉此以給之公慨然許之遂下梧州府知府何珖如檄施行因地畫圖授同知李智督訓導彭鑾典史唐聰鳩工庀材先建聖殿兩廡次明倫堂櫺星門戟門集賢門神廚會饌堂以次建立不侈不陋有嚴有翼庶足以副聖朝建學育才之意今知縣莊概復飭而美之制度大備偕訓導彭鑾具事狀請記予惟陸川僻處萬山之中界乎兩粵四面皆通道之區民易煽以亂非教之詩書禮義何以易强悍之俗爲仁厚之風學校者詩書禮義之所自出司民牧者可綏耶今都御史秦公倡於上同知李公奉

行於下皆可謂知務矣陸川人士可不思所以自勵乎勵之當如何必也讀書以明道至誠以達本尊君而親親重義而輕利寧直而死不曲而生推是心以往無不可矣雖然陸川之民素易與爲義往年草寇竊發予與憲使陶君魯僉事黃君鑰謀所以治之既而庠生周南與省祭官何清以計斬其渠魁以獻地方遂寧後竟爲賊所害若人非易與爲義者耶嗚呼陸川之民其易與爲義也夫如是矧服學校詩書禮義之教而自勵焉者異時出而仗大節爲臣死忠爲子死孝顧不尤易也哉弘治十四年辛酉仲冬穀旦

陸川名宦鄉賢祠記

石志

明鬱林州學正
廣東南海人 倫 詔

陸川縣志

卷之二十三

藝文類一記

二

嘉靖丁亥秋陸川名宦鄉賢祠成先是禮部奏准通行天下而欽差提督學校唐琮申論各府州縣本司奉行唯謹蓋表彰賢哲以風勵將來甚盛典也陸川縣漢合浦地宋屬越州唐屬容州宋仍唐舊至明洪武十年始隸梧州當兩廣交會之衝有妙洞溫泉之秀風俗漸美人才日興蓋自漢唐宋以來食祿是邑而政教可稱生長是邦而才行可錄者第以屢厄兵燹記載勿詳考諸舊志如名宦則有道州吳庸以宋淳熙特科爲都簿尉適李接倡亂統兵禦之六戰衆寡不敵歿於陣節與日月爭光帥劉焯上其事贈承事郎仍官其子明洪武初長沙王麟以卓犖之才筮仕邑丞興創之初阜民利物秩滿之日保升邑長泉

州莊槩成化乙巳授尹來任簡易近民六事畢舉九載榮歸民不忍舍臨安郎珍弘治乙丑拜官邑宰廉明仁愛修築城垣解纜之日民皆感仰南海彭金職會縣尉志存經濟催科不擾撫字有方嗚呼官蹟有名聞者固不止此而此數君子則遺愛之在民者也鄉賢則油鳳以洪武丁卯登鄉進士初授肇慶二守而德政咸孚後改諒江州守而士民愛戴楊榮發跡賢科職任同府初任廣州而政事不苟繼至瓊郡而廉明昭著龐經則文學俱優師儒不忝鄉薦政事長於別駕嗚呼人材有譽望者固不止此而此數君子則賢聲之尤著者也名宦鄉賢生有功德於世歿當廟祀不絕蓋功德自有公論焉耳前令以邑僻處一

陸川縣志

卷之二十三

藝文類一記

三

方漫不加意比龍川何侯至邑方釋奠畢慨然嘆曰十室之邑猶有忠信是邑雖小豈無賢哲乃奉諭廉得來官與鄉宦之可敬畏而足垂範者若干人題其姓名官秩於木牌以表其賢欲分爲二祠而學地狹隘求之他又非崇重之所於是移豐學門於明倫堂之東面然後闢地於明倫堂之西面擇材庀工並名宦鄉賢而一之創於是歲之春迄秋七月而祠宇始翼神棲既奠祀事攸行勒諸金石以告後人徵文於詔詔曰同學享祭毋拘於迹毋泥於勢而惟其功德之相著也之數賢者世之相後不止百年地之相去千有餘里雖仕路有邇遐遭逢有夷險而發跡崇卑之頓殊其功其德均無愧於天下後世矣俎豆登降

之間不識觀者亦爲之動容乎爰書此以復何侯之命

重遷陸川縣文廟記

石志

明邑張子翼

陸川學宮舊建於城之東南國朝天順六年一遷於南門內縣治之東弘治中提督學周公以其堙塞隘陋不足妥祀聖賢也再遷於縣中街西至今上御極之二十二年知縣李君綽又遷於縣南里許十餘年來雖屢經修葺而牆垣究不免於拆傾者地基之低濕故也辛酉春予奉命宰陸甫下車躬謁先聖睹茲光景感然不安已萌遷建之意第以入闈分校未暇舉行揭曉後復回任所而學宮已燬於流寇矣四顧徬徨不勝鞠爲茂草之感遂揖搢紳士人而進之告以遷建之謀莫不忻懽踴躍願陸川縣志

卷之二十三

藝文類一記

四

舉斯役於是相與審度基趾擇城北爽塏之地而決計遷建焉既又思工費浩繁非藉衆努力無以濟也因捐薄俸以爲闔邑倡而生員李君欽慨然捐金二百兩邑中人士亦陸續捐貲相助共得白金五百兩有奇用是鳩工庀材諏吉於癸亥冬十月堂殿齋廡以次棟築迨明年春二月聿觀厥成矣當奉主陞座之辰邑中人士濟濟踴躍來與行釋奠禮予復揖而進之曰方今用人之道由於科第而末俗苟且讀聖賢書初不身體力行徒以記誦詞章雕繪字句爲弋取科第之具由是風俗人心都不可問論者遂謂科第而士習壞焉不知士習之壞非關科第也自古科第取士之法或以詩賦或以策論其途不一我太祖

高皇帝撫有四海定以制義取士蓋欲多士沈浸於聖賢之義
理以養其德性由是以升聖賢之堂入聖賢之室固非徒記誦
詞章雕繪字句已也諸君子讀聖賢書誠深思夫古聖賢之所
以血食千秋與天地同其不朽者何在而盡五倫修五事務求
踐乎士之實稱乎士之名非惟有以仰副聖朝作人之至意抑
且入廟而對越聖賢亦可以無慚色矣又安見科第之足以壞
士習乎哉僉曰然遂書以爲記嘉靖四十三年甲子仲春

修陸川縣陽城記石志

明教 梁維芳

易曰王公設險以守其國城池之設由來舊矣陸川古百粵地
肇創沿革備載於籍我朝洪武初改屬梧州土城規制永樂間

陸川縣志

卷之二十三

藝文類一記

五

傾圮成化時砌以磚石周圍覆蓋串樓通衢南北基地低薄不
旋踵而欹塌矣連年修葺勞民傷財邑之父老僉謂必得廉明
方能變通以綜理也歲戊辰明府周公來蒞公明練達甫下車
廣詢民瘼區其緩急察其利害一切便民宜俗作興士類者無
所不用其極迨至庶務畢舉政通人和士民向化一日公暇登
樓顧閱見城垣崩頽病於防守公感然嘆曰城池護衛長府黎
庶事弗容緩宜築以陽城請於當道允之乃擇吉動支帑金親
爲庀材鳩工不辭勞瘁不憚旁午凡百工費不足捐俸補之不
動聲色庶民子來數月之間城郭峻絕巍峩翼然鞏固革故鼎
新落成於今日矣基濶二百六十餘丈高二丈有奇加崇於舊

四圍建窟鋪敵臺兩樓包護子城勢安如山門額北曰拱極南曰嚮明規模宏壯雖金城千里都城百雉不是過也迄今居民貼席境內晏然即聞有突寇之侵坐享無虞公之豐功偉績不且與古勲比隆也哉陸之卿士大夫以暨百姓莫公之德仰公之功情不能熬屬余言而銘諸石余不佞敢默默以寢公之美耶南山之雅云樂只君子民之父母公其民之父母與樂只君子德音不已公其德音不已與猗歟祝公之惠與城並屋祝公之功與城並高祝公之聲名與城千萬年同悠久矣公名文字述甫江西零都人別號屏石於戲公德澤行膾炙人口江津喬嶽未能悉揚厥休特綴數言用誌甘棠之慶

陸川縣志

卷之二十三

藝文類一記

六

重修學宮記

志

清邑舉人龐穎

陸川學宮其建也不一時其遷也不一地而重建於茲所也則自順治丙申以迄今茲垂三十載矣廟貌弗崇子衿寥落加以僞變兵燹之後風雨剝侵椽題朽蠹不能巋然作法魯靈光良可慨已迨邑侯衛公諱康穆蒞任以來他務未遑首以興學造士爲己任越明年政暇人和遂出俸薪爲紳士勸謀所以庀材鳩工無何事甫興而公以老告休矣會臨桂二尹馬公諱圖文掌篆茲士愛民重士輒慨然捐資以成厥美焉穎承二公命不憚煩瘁與傅子颺貞董督是役材取維良工期孔固而役夫則資於衆均而不擾經始於乙丑年正月告成於五月殿宇門牆

規模宏偉煌煌乎大非昔日觀矣諸君子屬余爲文記之余謂
人材之感衰關乎學校之興廢然其廢也不自廢必有所以致
其廢其興也不自興必有所以使之興往歲甲子皇帝東巡謁
先師於闕里行祀禮於家廟而又頒修學宮之詔於郡國其重
師儒興學校洵追三代而軼兩漢矣今二公皆能體聖天子之
心以爲心或創於前或成於後而都人士亦能體二公之心以
爲心彼供其力此効其財不數月而聿觀厥成爰侑先聖昭崇
道化豈無所使而然歟由是宗廟雖窳而宮牆在望諸士子肄
業其間沐浴於聖人之澤游息於道德之場仁漸義摩禮陶樂
淑涵濡日久當必有人文蔚起俊傑挺生後先濟濟出則爲國
陸川縣志

卷之二十三

藝文類一 記

七

家之名臣處則爲鄉黨之善士才由斯感俗由斯美無負感世
右文之雅化暨二公建學育才之美意則庶幾矣衆友曰然請
誌之以作左券用垂不朽康熙二十四年歲次乙丑孟夏

重修陸川聖廟記

石志

清邑令 謝錫侯

雍正三年秋九月予抵任之次晨謁先師廟展拜之餘見棟折
椽摧傳草叢棘都無善狀怒然念不風雨其餘翦其蕪穢庸何
能妥神靈以崇光禋祀未幾且奉旨詔所在有司暨都人士稱
力捐葺乃進多士而告之曰大夫之家修治其俎豆者其裔必
昌童蒙之子洒掃其家塾者其人必慧十夫之聚農功既畢歲
時伏臘以葺其所常祀吁嗟澤宮乎實何地詩曰思樂泮水寧

惟是折摧叢傳者可樂耶亦思焉而已矣予請以薄俸先汝多
士其識繼焉然既誠於中而亦弗恤其繼之若何卜吉日興春
鋪鳩工庀材初不泥於舊制煌煌乎翼翼乎瞻有恪焉復進多
士而告之曰今者澤宮告竣祀事修明止矣乎未也顧名者貴
思義夫聖人之廟無異天王明堂坐明堂而布政宣猷端非漫
易天地之經生民之命君子守之而萬國安其常小人放焉而
一身不敢自附於人政化在此敦行崇道居佩禮樂而出奉典
型誠繹論語一編上下萬言何一非納民於軌物之中即以聖
人天生使獨猶自朝乾夕惕孜孜不遑其曰君子有三畏君子
有三戒君子之道四某未能一其慎懼謙抑較加於下士者多
陸川縣志

卷之二十三

藝文類一記

八

矣居四民之首家習往聖之訓已爲遵道得路乃俄而個規矩
改錯焉背繩墨追曲焉競周容爲度焉竟與閭巷庸愚寄命司
牧者同母乃爲聖人之僂民黯然幽獨對衾影且深赧而吁嗟
澤宮乎實何地而敢旅進旅退於其間乎爾多士不乏紛內美
者乃今而後砥礪行操懍懍焉尊所見聞登斯堂也考鐘伐鼓
悉茂行姱節菁莪棫樸之選爲周之楨乎周之幹乎予爲陸陽
慶予爲上國慶也多士識之歲雍正三年乙巳

修啟聖祠記

謝錫侯

粵稽祭川者先河後海海者川之宗也祭川而及海亦不忘本
之意也夫玉書吐聖人誕雖曰天地之孕毓秘極而洩蓄極而

流疇非祖宗之積累所致哉此尊聖者尊其所自出尚矣即如宋封公元封王迄有明則通建祠於學校煌煌乎俎豆歷百年而恆新今且較前代而倍隆王爵之錫榮及五世嗟乎胄衍神明令人追維前烈歎篤生聖人者感德爲不可及也予忝爲陸陽令差幸聖廟功甫告成猶惴惴焉懼無以妥聖人先爰是鳩工庀材構五楹於殿後配壇從祀壇各稱其位雖不敢云輪焉奐焉亦既煥然維新矣繼自今瞻拜之下恍見聖人之祖孫父子相聚一堂陸陽乎抑闕里也

新建忠孝祠記

謝錫侯

先民有言曰讀出師表而不下淚者其人必不忠讀陳情表而

陸川縣志

卷之二十三

藝文類一 記

九

不下淚者其人必不孝在兩公當年不過以尺寸紙寫自己情私遂令後代讀者洒無窮之淚又何自知其所以然噫善夫纏綿篤悱之忱匪石匪席者已久矢諸寤寐值其時勢而發爲辭說怨慕泣訴雖極孺子之哀音而終不覺後之讀者淚自聲出亦不自知其所以然予謂仍是當年之人之淚特洒之未盡今日適借我以盡傾之耳非我之別有淚也今天子念切忠孝詔各郡邑創祀時其祀典知往古來今海隅山陬概不乏人未容泯泯也先民謂讀出師表陳情表而不下淚特借以驗人心耳若夫無忠臣無孝子天地亦無可感之風雷郊廟亦無可歆之醉飽第淚也乎哉予陸陽守令也祇承殊命以崇光陸陽忠孝

復爲敷詞以侑諸先生几席焉詞曰美人兮璇宮秋蘭佩兮裳
芙蓉雲笈七籤兮芳藉其中雖數化兮太息特賚予兮渥隆築
室兮建廡門且暮容與兮無垠撫時採芳兮成禮冀靈之式來
兮如雲

伏波廟記

謝錫侯

治出東南逕一水而浚沙石稜稜疊起側峙層巒馬伏波廟踞
焉新令者至例有祭予爲有漢名臣祭之固宜乃齊宿往拜宇
下孝廉李君宗淳家其近址聞予至來相道款且攜以遊曼日
流觀若波濤之汜濫如草木之紛披魚歌樵笛遠近相答岫雲
谷靄奇幻盈眸俯仰上下之間恍乎蛟龍文章倏忽焉不禁臨
陸川縣志 卷之二十二 藝文類一 記 十
風大息矣李君請以故予曰新息與諸葛武侯其勲業非隱伏
弗昭而又紛有逕庭者今宰執請增祀武侯於學天子詔曰可
而竟未議及新息豈古人之遇合亦有幸不幸耶他日得趨對
大廷敷奏乃公後謹以此爲請庶幾乎遂予志之所感李君是
之爰爲記

新建先農壇記

謝錫侯

傳曰有能播五穀則祀之又曰粒我蒸民實嘉賴之夫國以民
爲本民以食爲先無食則無民無民則無國農事亦綦重矣哉
予嘗以公出閩巷竊見負耒荷鋤之輩祈求報賽遑遑以時謂
我黍稷惟神是依非此莫庸也今聖天子眷念羣黎知稼穡之

艱難特詔天下郡縣建立先農壇壇前開耜田數畝經制典禮
備極周謹予敬奉命敢不殷然爲主伯亞旅倡嗟乎服先疇者
不忘舊德第進農人而勗之曰毋滋蔓草致害嘉禾或作或息
各惟其時倘怠荒乃事南畝就荒爾婦子其何以堪雍正四年
歲在丙午仲春

新建節烈祠記

石志

謝錫侯

節烈忠之比也從容就義者忠慷慨赴難者忠第忠不分名而
節烈分也夫婦以夫爲天鹿車共挽鬢毛對落幸矣脫罹於難
焉維時聲咽窮猿血染杜鵑得同覆土本固甘之甚其或不足
塞責如堂上全殞懷中且穉又計續其禮祀而謀續之於他所

陸川縣志

卷之二十三

藝文類一記

十一

生寸腸九迴萬不獲已乃忍寸息強起而稱未亡人懍懍柏舟
風雨淒其若畢其世悉坐重雪之夜矣企彼美兮是何異於忠
之從容就義者至若手有劍而口有血決從一無二之義或出
其夫於顛危以身相殉或起其夫於沈疴以肌爲藥紅顏草茵
縗首邱山共姜多苦節乎與之共千秋者也其起視忠之慷慨
赴難者又何多讓焉嗚呼嗟哉巾幗女子耳而冰心俠骨志氣
浩然彼讀聖賢書侈談綱常名教食人之食而不事人之事樂
人之樂而不憂人之憂頑鈍集詬是所稱鄙夫是所稱妾婦也
悲夫

節烈卜氏墓記

謝錫侯

去城南里許曰萬丈坡節烈卜氏之墓宅焉竹樹叢侵樵牧踐
踏墓傾爲坪而將忘其址孝廉龐君驥重茲事造宰室而告以
所乃募工斬伐實土而封其壟鐫石以表之事竣晨往拜墓下
且與居民約據五十步而樵牧者罰無赦明日龐君進而謝曰
卜孺人貞骨芳魂幾與荒煙蔓草同湮今君以碑以封墓用歸
然盍勒一石以誌諸後乎予曰世之居顯要擅威福趾高氣揚
輒自許爲鬚眉男子衣冠丈夫一旦臨大難決大疑利害橫胸
是非違心呢呢喁喁宛若妾婦嗟乎衣冠鬚眉中豈少巾幗哉
聞卜氏之慷慨罵賊捐軀全節則亦可愧矣若墓之滅而復存
君悉告我君之惠也後之蒞斯土者護而理之則一坏千秋非
陸川縣志

卷之二十三

藝文類一記

十二

惟卜氏受賜已

節烈卜孺人墓記

清邑龐驥舉人

予昔者從先王父過萬丈坡指示予曰此卜烈婦墓也原瓊海
人邑侯張諱子翼之妻賦性剛烈持守嚴謹適侯理閩事流賊
犯城孺人率哨兵鄉兵守禦冀援不至城陷賊擁入衙署孺人
登樓罵賊賊逼之墜樓而死及張侯省旋哀悼備至暫葬孺人
於此不封不樹爲後日改遷計詎料侯旋里不復來陸而孺人
遂長埋焉小子誌之因兵燹後牛羊雜踏右塋決崩石壙且半
露荒殘煙草矣余目擊心傷者久之適謝使君抵任訪忠孝遣
芳採節義潛德予亟以告使君爲之咨嗟嘆息輒鳩工修理去

榛蕪厚其封土勒石以誌之備物以祀之又爲申採樵之禁嚴
牧畜之擾嗟乎使孺人無墓而有墓行道之人咸知其爲卜烈
婦者悉謝使君之澤及也予得徵公之所以宅衷矣

裁城北稅廠記石

清邑 李昌祚
歲貢

予老而善病杜門抱膝外他所弗聞也邇來謝使君甫下車刪
陋規卻苞苴予聞且喜然猶未敢遽定其爲賢也邑有稅額列
南北二廠去城數武者曰南廠司之者猶畏法知職其北廠去
城二十里諸役縱恣雖斗粟隻雞之微必徵商民苦之已匪朝
夕忽有來告者曰使君裁北廠稅矣予曰得毋奉憲令乎他邑
都有何獨去此得毋好名乎且此廠之稅倍蓰於南謹俟之懼

陸川縣志

卷之二十三

藝文類一 記

十三

其或無以爲久也未幾通詳成案矣未幾勒石永禁矣於是心
折其賢而樂聞所未聞也念自下車至今方期月耳平反鋤奸
子我元元若干鉅條次第修舉不賢者能如是乎今且有事邑
乘以創昔之所未創誠哉其賢於前人多矣乃命二子焮與焮
曰纂修之舉政體攸關往欽哉以共襄乃公毋辱使君命寄語
使君予耄且病筆花久禿不堪繪化理以爲壽謹獻野忱命季
男焮錄附志末敢爲佞哉蓋冀將來以賢勸賢爾

重修縣學記石

清邑 謝王生
令

先師孔子道冠古今德參天地樹百王之模楷立萬世之師範
春秋俎豆典禮加隆文廟祭器並入交代蒞斯土者自當敬謹

保護以副聖天子崇儒重道之雅化方爲無忝厥職陸陽雖屬
陬邑而翩翩仕路指不勝屈霞起雲蒸更僕難數宜乎膠庠丕
煥棟宇常新矣顧自十餘年來縣令一官非遠掛彈章卽權時
代庖曾未久於其任致學宮修葺無聞傾頽日甚明倫堂宇圯
塌無存兩廡鞠爲茂草歷任因循已非一日己未冬余奉憲委
攝篆是邦釋奠之餘覩茲殘廢蒿日與暎思欲重修而力綿不
逮爰揖搢紳李登封首謀以衆擎之策順風一唱而觀察龐公
首捐重資其鄉宦先生以及後起之俊亦莫不欣然樂從多助
寡助共計約四百餘金簿書鞅掌監督爲難復於諸生中擇公
平者董率其事鳩工庀材於庚申之夏興工是歲臘月告竣宮
牆殿宇大爲可觀從此彼都人士愈知聖人之可尊儒術之足
重趨向端而心志一德業盛而人材興予固於此有厚期者矣
因序其梗概而爲之記時乾隆六年庚申季冬

陸川縣志

卷之二十三

藝文類一記

十四

新建三峯書院記

石

清廣西提督學政

許道基

書院之設以佐學宮肇自宋元建置半天下郡邑生徒萃焉進
德修業親師樂羣以專以積以小成大成育才之效追古黨庠
術序遺意則務之當先也陸川粵小邑而俗稱淳士彬彬禮教
近文章踵接舉科第漬聖化久且日上顧未有書院先是邑之
人士屢謀經始以莫適爲主事不集乾隆乙亥冬石君崇先攝
邑篆不三月政關教養激勸者次第舉而創立書院其一也明

年二月余按鬱林君率其人士以院之未有昉也乞署名且記所由助予聞而嘆曰粵士之需教也亟矣而郡邑博士之不克徧教也審矣予始至斯邑欲立塾求師以勞來後學交修博士之不逮願願力不齊徒抱以默默也而君遠能之乎又仰而思曰志稱三台山在邑南一里峯列如三台向學宮蓋人文之主山也院近聖人居而化成人文實學之支盍即以三峯名之於是陸之士聞其祥也而喜予進而詔之曰爾知名三峯之意乎元功運行彌綸塊泐若窪若突不知而然惟山既崩礪青碧空嵌得天地正骨秀氣峯之於山尤其巔者也隱嶙下臨峻嶒上挿芒射星精位崇五雲峯之自爲名哉骨氣使然天不能不

陸川縣志

卷之二十三

藝文類一 記

十五

凝人不能不伏因以藉靈巍岑立景潁水吸精導脈主我人文豈不欲以峯之三台爲貴者相乎亦求其骨氣而已矣骨氣生而有之則正且秀亦賅而備之而第扶之勿傾以邪擢之勿蒙以穢正者峙秀者出標格所樹天自凝人自伏聳然而獨貴是亦人之三台已人有主爵峩峩金紫赫烜而時過名沒不克卓立千古無他骨廢而氣消也惟立德立功立言之不朽比諸山峯之不騫不崩蓋積厚者峻極有主者常貞故曰居仁由義大人之事備矣士登斯堂面斯舉顧名而思義砥節而磨光亭亭乎玉立之姿高高乎不可掩抑之概則峯之精神攬而收之方寸矣粵山靈奇甲寰宇大容起伏潯鬱梧三郡在陸則有鳴石

謝仙文龍鳳凰石湖金坑諸山他有名者尚不勝指其清淑磅礴皆可作三台觀也詩不云乎高山仰止志嚮往也魯頌思樂泮水而繼之詹泰山孔子登而以小天下士時作三峯想則可以小陸而陸藉以不小矣石君西蜀名孝廉官秦中十年所至拳拳育士今之來豈其事之遷效之不可必而亟亟先務者君家徂徠先生勇於任道以經術教授南京在大學弟子益衆大學之興自此始士以魯之尊徂徠者尊焉君能薪傳符合一以教大學者教陸是未嘗小陸而陸之士可自小乎余既署陸之名山而大期之復告以學山之實爲正骨秀氣而非徒轉魁傲雲外暴之是求若夫扶正惟志志立骨勁擢秀惟學學沈氣華

陸川縣志

卷之二十三

藝文類一記

十六

志在希古學在窮經不然無從入也多士識之而已於是陸之士聞其所以祥也而益喜乃文諸石以驗其效焉

新建三峯書院記

石志

清邑令石崇先

記曰君子如欲化民成俗其必由學乎是以古之教自州閭以達王國無不立學之地自國子至於庶民無不與學之人自春秋冬夏以至三年九年無可去學之日教士之法伊古爲昭我國家作養人材振興鼓勵各省會建設書院爲多士廣誦讀之地慎師儒之選而淬厲之何莫非古者立學之遺意歟歲在乙亥余攝陸篆覩其衣冠文物彬彬然禮教邦也其學宮崇聖祠明倫堂凡有關於學校者悉輝煌整肅獨書院缺焉紳士等呈

請於城南萬丈坡創建僉云籌之已久未興舉耳余曰此盛事其亟圖諸爰集紳士履其地相度基趾建講堂一進藏書閣一進門樓一進各三間兩廊書舍各十二間詳之上憲批允舉行適學憲按臨科試諸生稟請賜記題額額曰三峯書院記又取三台山對峙之祥爲多士昂猗歎盛哉都人士藏修遊息砥節勵行日漬夫禮樂詩書之教以馴至於小成大成之效蛟騰鳳起霞蔚雲蒸俾鍾其祥者無負於其祥且不僅爲陸邑之祥而直可謂國家之祥以仰答聖朝樂育之盛典克副上憲期望之深心余所厚望焉是舉也經始於乾隆二十一年三月落成於十月費銀六百有奇所有捐資姓氏併設書院脩脯士席糧田

陸川縣志

卷之三十三

藝文類一記

十七

勒石以垂不朽

圓通庵記

石志

石崇先

縣東北二十里白石甲有庵名圓通者明萬曆間江右吉安黃癸所創也癸慕清淨法披幽雅入空門並其腴田租七十石載米二石一斗七升爲蘭膏供自兵燹後蠶食屢矣甲民三控而趙壁三復乙亥冬余攝篆是邑邑之人士以陸之未有書院也謀於予予不敏勉襄其事丙子夏有自稱黃癸後者具詞懇拆撥民米六斗三升租二十石助書院膏火費甲民是之而獨以非癸裔斥噫癸之子孫有無何必深考而襄美舉之意誠善也予嘉其意允衆請其餘仍歸之庵復據甲民具呈求予爲文勒

石以垂久遠予何言哉夫人情有利則趨財產無主則散以梵刹之業歷數百年之遠斷碑殘碣考稽非易宜鄉曲小民垂涎者衆將聽其散而無統是佛之醮會無資也癸之邱墓無主也僧之贍膳庵之傾圮無補也今與甲民盧泗英併黃琰等約經之理之扶持保護毋致侵漁耗散也可若夫思染指肥私囊匪惟神不可欺且有煌煌之國法在是爲記

重建修竹庵記

石志

石崇先

陸川僻處偏隅蕞爾區也然其山川秀麗恆多名勝足供遊覽余攝篆茲土一切興利除弊思所以安輯其人民爲先無暇著謝公履尋山問水也閱陸志有所謂修竹庵者邑之名勝溪水陸川縣志

卷之二十三

藝文類一記

十八

清流石峯壁立其梵宇之幽靜足以洗濯塵襟而摩雲一閣又可以憑高遠眺不禁心嚮往之省視西疇之際或得一寓目乎適近寺居民以重修庵請謂東山之麓向有小庵顏曰修竹前明陸一清修道其中施撥田米一石五斗八升後生員黎在瀛亦施糧米一斗爲住持費未幾燬於兵廟宇將頽摩雲閣亦廢所施田畝里戶侵漁其半康熙四十九年邑貢生陳之瑜惻然動念聞於前任復還舊業重修廟貌田仍交住持管理後侵漁復然前任謝尹特爲立碑詳記今廟又將傾不有正人定踵前轍爰於乾隆十六年呈縣公推貢生陳宏紹權理鳩工庀材爲重修計求記以垂久遠云余竊維寺之興廢固藉乎田而尤藉

乎人昔海內天童寺有莊三十六所田一萬三千餘畝寺田之廣無以過之其後斥廢殆盡况修竹僅田若干畝乎今廟貌修復廢與墜舉莊嚴畢備修竹重開生面矣古人不惜黃金園八十頃余何靳一記爰書其始末詳載於石

重修卜氏夫人墓記

石崇先

城南三里許萬丈坡貞烈卜夫人墓在焉溯其所自廣東瓊海人明嘉靖邑令張子翼正配偕隨任歲辛酉張赴省分校適流賊犯城夫人率民兵拒守援絕城陷賊逼衙夫人登樓北面再拜墜樓而死越三日土人覓得其屍顏色如生藁葬於萬丈坡不封不樹尋張侯以事去不返貞骸烈骨遂永瘞於荒郊坏土陸川縣志

卷之二十三

藝文類一 記

十九

歷百餘年幾無過而問者迨我朝雍正三年前令謝錫侯始築墓鐫石作文以記載之省志有土梗陳光居與墓鄰侵其地署令陳冠世暴其罪擬發配令去侵踞如故乙亥冬余攝陸邑篆親往謁墓重申五十步禁築垣以界建亭設祀維時偕紳士李宏培呂颺繡陳宏詔龐琛等洗滌舊碑字跡忽見石紋松竹儼如圖畫洵貞烈之氣盤結發洩之奇爰徵各名人詩勒之貞珉以誌不磨乾隆二十一年丙子

重修陸川縣儒學記

清邑 應斯鳴

陸川縣學自前明嘉靖知縣張子翼遷建城北國朝順治十六年知縣周士選重建之嗣後修葺者再乾隆戊寅臘月正殿傾

圮前令張章以丁憂離任未及營構己卯夏四月斯鳴來宰斯邦甫下車恪恭謁廟見正殿無存兩廡朽蠹將傾周遭四顧凡榱桷牆垣多損壞剝落心甚怒然遂與教諭羅溪訓導姚景溫典史蔣邦瑜等相商曰興學校崇教化爲政者首務也吾輩當捐廉俸以爲紳士倡僉曰然越數日闔邑紳士會聚明倫堂踴躍捐貲效力共圖創修公舉貢生陳宏紹舉人李宏壙武舉呂颺繡貢生龐峴監生陳名佐等經營規畫庀材鳩工與典史蔣邦瑜董督是役也和衷協辦朝夕勤勞夔殫皆各自備毫不支給公項於是材用有貲督理有託不待勸勉而事克集誦吉於六月十八日興工先建正殿培土增高共計五楹次建兩廡各陸川縣志

卷之二十三

藝文類一記

二十

五楹其啟聖祠明倫堂名宦鄉賢祠及戟門禮門義路凡倒塌之處皆次第完葺泮池圍橋浚深新砌櫺星門添高聳立階墀圍牆修造堅密門外鼎建下馬碑以至神龕木主几案匾額俱革舊而更新之既而棟宇巍峩內外葺固黝堊丹漆潤色輝煌視昔日規模更覺美備乃仲冬之八日率官僚紳士恭奉先聖神主陞座行釋奠之儀趨踰對越肅然如臨其上祀典聿修以妥以侑庶足上副聖天子尊師重道之意廣宣棫樸菁莪之化矣今庚辰二月工竣計費白金六百有奇其助貲姓氏另鐫諸石予樂觀厥成爰記修創始末額手稱慶曰學宮者起化之基端士習振文風善民俗莫不直根乎此陸川素號多才科名

仕蹟後先炳蔚爲鬱林四屬之望繼自今尚觀感奮發研究經義勿徒記誦章句務求躬修實踐篤五倫敬五事備五常正心養性存誠戒欺雖聖賢堂奧可循階而升也由是明體達用鄉閭效其模範民物被其恩膏朝廷資其輔弼立德立言立功皆吾儒分內事地無論邊腹也人無論古今也願力行何如耳願與多士共勗諸時乾隆二十五年歲次庚辰仲春

新建萬壽宮關帝殿合記

應斯鳴

予蒞陸川之明年庚辰春正月邑之紳士耆民躋公堂慶賀以次謁見予詢謀於衆曰春秋祀典文武兩廟並重茲文廟建矣而武廟摧頽何以行拜跪獻裸之禮乎且今歲上五旬萬壽

陸川縣志

卷之二十三

藝文類一記

二十一

何以爲臣民慶祝之所乎盍亟圖之衆欣然相告曰比年以來風雨順穀粟豐民物寧上荷聖德之憐憫默召神靈之庇佑頌祝崇報萬姓同心願未有宮殿以浹輿情予乃先捐廉俸十九堡士民踴躍助銀而典史蔣邦瑜毅然不辭勞瘁匡襄督理始終仔肩爰度地於縣治之右舊廟東向一椽湫隘木腐牆崩悉擊去之遂新闢基趾卜定南向夏四月大興畚鍤工匠雲集凡木石輒瓦採擇悉皆精堅秋七月棟樑檁梠具備分布三座前座三間上建樓台爲慶賀結彩之區其下爲殿門爲班房中座五楹爲大殿崇奉關聖新塑神像左右翼以長廊朔望宣講聖諭僚屬各就厥位上座三間爲萬壽宮正中安奉龍亭遇慶賀

大典文武官虔集丹墀跪叩行禮東西朝房各二分列值宿坐班周圍垣墉環繞結構極壯麗恢宏仲秋之吉恭祝闕聖於新殿堂廡肅穆階墀廣寬登降陳設內外誠恪禮儀大備八月十三日欣逢萬壽聖節先期示諭遠近紳士濟濟咸集隨衆官詣宮前叩賀四方來觀者闔街盈門莫不魚貫而入稽首歡忻共呼萬歲連日鼓樂筵宴謳歌遍滿遐陬予於此益徵聖化之洋溢神靈之感孚而人心之易於從善也陸川屬粵西邊徼至京八千六百里之遙凡大慶大祀之典非耳目所習見稔聞者乃邑宰首倡士民羣然嚮應爭先捐資不數月而宮殿鼎創豈以務名哉良由漸摩於德澤感激於忠貞處荒裔之遠如觀天顏陸川縣志

卷之二十三

藝文類一記

二十二

咫尺生百世之後仰慕漢代蓋臣其愛戴欽崇之心動乎天性不覺勃然白生翕然大同推此心以行已接物則教不肅而成政不嚴而治彬彬乎禮儀之邦矣斯舉也酬君恩勵臣節安神靈一興作而三善備焉至於踵事增華保護修葺更賴後來者之各盡其道各盡其心耳無庸予囑

重建崇聖祠記

清邑令李樹啟

三臺人

至聖之生天地毓其秀帝王培其脈世德垂蔭原本所出啟聖祠之建由來尙己國朝聖聖相承更崇典禮追隆五代改啟聖祠爲崇聖祠此尤敦本宏源報德報功之無盡者陸邑崇聖祠肇建日久漸就傾圮乙未冬啟承乏茲土卽矢志重修然百廢

未舉弗遑也今歲春爰爲重建邑紳龐君瑛陳君宏詔殷然引
爲己責而弗憚朝夕勤勞同官學師秦君淮嚴君中寬悉心協
辦刻日告竣余爲樂觀厥成因言曰源遠者流用長本盛者枝
必茂斯文光照人才蔚起將於是樾蔭焉若夫闔邑捐資姓氏
另列之枋故不贅云

義塚記

清邑龐嶼石洲舉人

予往令番禺則知附郭蕭寺中旅骸累累有無主者有有主者
而力不能舉苦雨淒風不知幾經歲月心焉傷之欲爲之所而
時未暇也今夏守廣州勞勞民務日無寧晷又恐庖代有期負
所素心於是卜地東皋山麓而營葬焉計十八畝東西二幅環
陸川縣志

卷之三十三

藝文類一記

二十三

堵如墓中序爲兆餘留延棺埋每分二穴穴有封封有石石有
鐫里族姓氏繫焉恐坍塌也築以沙灰無主者長瘞一坏其有
主而能遷者聽其遷遷必覆其穴無使蓄水旁侵山右隙地架
數椽投農者掌之禁諸樵牧踐毀著爲令行屬邑俾各爲之所
是役也羅浮塵異上人結茆董事瘞棺五百六十有八瘞骸埋
四百六十有三十一月庚寅鳩工戊子竣事乃牲醴偕南海縣
令番禺縣令往奠之明日二令進曰今上詔掩貧骨奉行者未
繹精意澤未遍夫貧骨凡力不能葬之謂也非獨無主之謂也
公今出已力瘞貧骨以千計且告誡所及而各屬之瘞者以萬
計而子孫感德化瘞其祖若父者以數十萬計誠爲良規可以

聞皇仁精意之所未發可以補周禮掩骼之所不及宜鐫諸石
予曰郡有暴骨守之罪也將爲名乎塵異上人曰一身毛髮八
萬四千分類諦觀是毛是髮合毛髮觀是爲一身意彼諸幽魂
猶吾毛髮氣脈與質榮枯與同以吾身故發大慈悲惟此功德
留待後賢繼繼如斯爲無漏之因復作偈曰果生於因因以成
果人之欲善誰不如我獨爲君子昔賢所恥存此良規以安後
死二令聞之欣然予聞之恍然遂爲之記

瘞鹿亭記

并銘

龐 嶼

獵者獲麕麕無能爲哺先子憐之命牧奴哺以乳羊比數月壯
且長嶄然露頭角而鹿矣飲齧寢說與童豎伍若忘其鹿也戊

陸川縣志

卷之三十三

藝文類一 記

二十四

申秋先子攜來粵東己酉秋七月先子抱病番禺之官舍逾月
臥室牖外間踉蹌足跡不輟如欲得食飼之則又弗視仰而噓
俛而嗅類乎人有所失及先子易簀之頃忽悲鳴號跳聲盡而
絕有是哉物之歎也其感之深矣矧先子之愛鹿也不如子茲
何以感之獨深是能蹈義以殉其所思而以義終者也其亦不
幸不得以恩終令痛其義者之無窮期也值送終大故無暇爲
理相者命襄海幢僧寺之東園聞者異焉有謂先子跨鹿遊者
嗚呼先子厭棄一切飄然遊矣唯鹿馴良無復林性必其安步
從容無走險決驟驚吾先子若是乎勞莫大焉越明年庚戌夏
將扶櫬歸乃以果牲芻過珠江而勞之感物理而攬涕增愧心

而徬徨封其塚而爲之銘曰鹿受先德報之以身仙羊之侶附
麗其神壘土作塚彰著厥英匪啻仙客實瑤光精呼曰伊尼諦
聽梵音

重修陸川縣學宮記

清邑 孔廣平

陸川爲古繡州地山川明秀風氣清淑其君子溫文而有禮其
小人淳龐而畏義是雖由沐浴於聖朝加意學校之恩者深亦
從前賢邑宰能急先務使之然也余忝至聖裔歲丙午來令茲
邑謁廟後徘徊瞻顧見夫棖榭垣墉漸就傾圯卽慨然有重修
志未敢遽作以勞民也迺視篆未幾旋調署興業縣事興之學
猶陸也爰以不得爲於陸者舉而新之於興獨愧余蒞興三載
陸川縣志

卷之三十三

藝文類一 記

二十五

短於教化不能彷彿治蜀之文翁還念陸人士氣節文章素稱
鬱郡巨擘又不獲新其黌宇以受先聖而召後學心竊憾焉不
圖旋陸之曰仰瞻廟貌已煥然俱新也問誰實倡之僉曰前任
漢嘉楊公其能急先務者乎或者謂吾夫子宮牆圯歷萬世而
不毀者區區修建亦分內事耳何足爲楊公重抑知修宮室與
修其身事不同而術相似也人去聖人遠矣其可造於聖域亦
恃此修焉而已昔明道先生有言曰治天下以正風俗得人才
爲本彼學政之不修師道之不立後生無可興起何以爲成就
之方由是思之修者治也治而去之之謂也自茲以往誠能因
而山水導焉濬焉乘而風氣安焉遷焉去其不如聖人勉其如

聖人者將見達而兼善世道賴以不墜卽窮而隱居亦足以淑世而範俗則楊公此修不重有裨乎是舉也經始於己酉九月落成於庚戌六月僉謂記宜屬余余爲至聖裔且先有志於重修也余既樂觀厥成因推公所欲言以應邑士君子之請公名書最西川巨族以丁酉舉人署陸篆稱賢邑宰學博臨桂朱君沅藤縣蘇君秉晁典史江蘇吳縣章君來泰皆贊襄文教而邑紳之董役勤敏又以丙午科舉人揀選知縣陳君學海府經歷職呂君象履武生龔君以剛爲之最俱例得並書乾隆五十六年歲次辛亥

陸川縣學加額記

孔廣平

陸川縣志

卷之二十三

藝文類一 記

二十六

陸爲粵西小邑故選弟子員僅八人而文風甲於一郡操鑑者每嘆設額之隘而無如之何歲壬子學使者吳江費公力請於朝減西林凌雲學額四名而增爲十二由是陸人士歡欣鼓舞以爲余慶且曰邑學之仰荷加額也雖朝廷之盛典學使之厚恩令長之德化抑亦至聖之神靈實式憑以致之也先時己酉署縣事漢嘉楊公重修聖廟邑之捐資襄事者指不勝屈今日之盛實於此肇其基焉蓋誌之以爲後來勸乎余曰此聖天子作養人才之至意學使者量材裒益之深心於邑宰何與雖然感朝渥典之頒適當文廟告成之後其所由來或卽如云云未可知也且夫天之生物因材而篤栽培傾覆於天無與也大聖

人參贊化育過化存神雖無一人不被其澤而實難爲自棄者
強予以所不欲是故禍福咸自己求成敗惟人自取今陸人士
奉至聖爲依歸大而綱紀倫常小而日用飲食惟聖教之是依
故卽程以聖靈妥侑之區棟宇或有未完垣墉或有未飾莫不
約之椽之輪焉奐焉欲一聽諸風雨飄搖而不得無惑乎人文
日盛遂致渥典之加前人之愛莫能助今之人乃不期而自至
也然則學使者之加意於陸因可加而加之非必加意於陸也
聖天子之增廣於陸因可增而增之非必增廣於陸也余無文
翁治蜀之能幸獲躬逢其盛而陸人士且謬以爲令長德化之
所致也余則滋愧矣卽楊公之重新學宇丕振文風亦罔陸人
陸川縣志

卷之三十三

藝文類一 記

二十七

士之蒸蒸日進而勸之俾勿壞以迎機而利導之豈必獨加意
於陸乎哉然盛朝渥典之頒適當重修聖廟之後如所云云誰
曰不宜繼自今誠能循而不倦將見蓄道德能文章之士接踵
以出則科甲之盛正未可量詎學額之加而已乎陸人士曰然
請誌之以爲未來勸

伏波灘右新建文昌閣記

孔廣平

觀乎天文以察時變觀乎人文以化成天下合天人以言文其
爲文也夫必有司之者矣是故神道設教聖王重焉天垂象而
傳說爲列星理固有之不容誣矣文昌實北斗之一星歷代臚
於祀典玉衡照耀文教用彰賢才感而儒學振興陰騭下民惟

神是賴道家所記又言神降生於人間則爲人詩稱孝友燕喜
卽其化身爲之士子科名實掌其籍斯言信否未可知然而孝
弟之至通於神明固人也而以神事之疇曰不宜陸川爲粵西
偏隅其爲士者能文章砥礪廉隅農民勤於稼穡簡其秀良亦
易與爲善縣治南三峯聳峙曰三台山乾隆丙子始建書院於
其陽構高閣以祀文昌用昌文教而他所未之有也伏波江發
源縣北分水縣東文龍諸山合諸水以達濂江而入於海水勢
湍悍清駛至灘面墟西南有灘廟祀伏波將軍於其麓山石根
角橫亘水中水至此爲石所阨拗怒奔突若曠騎之奪重關以
出沛然一放乃少休兩崖之間沙平而土曠爲形家言者謂由
陸川縣志

卷之二十三

藝文類一記

二十八

此而下水且渙矣渙者必陰有以翕之而後其氣聚享於帝立
廟先王所以萃渙也其地爽塏則於建閣也宜閣高明則於祀
文昌也宜邑中諸君子是其言協謀量力庀材鳩工經始自丙
辰之秋越明年三月而閣成奉文昌形象於其上春秋秩祀俎
豆用修余惟厭勝之說儒者勿道禱嗣求福亦矯誣者之所爲
斯閣之建固將使學者仰而知祿命之攸司存乎天反而求之
知性天之垂教存乎人敦孝弟以培其根念典學以俟其實天
人雖殊其理一也知其說也夫且合一邑之士習民風駸駸日
上本立而道生固不特迴狂瀾於既倒矣鎮壓形勢云乎哉廣
平宦遊於此先後歷七年餘教澤不施今嘉諸君子坊民事神

崇尚斯文之至意而幸得瞻拜於閣下因其以碑記爲請而書所見以遺之俾刻諸石嘉慶二年歲次丁巳

重修縣學宮記

清邑郭承休山西人

陸邑古公平地也文廟在北門外居墟之中前之賢使君與鄉之先生大人恆不時修葺然其規模創建歷年已久矣辛卯歲余奉檄遷江調攝陸川篆入其境見夫川流溶澗山勢屢屨其峭屹成形環列縣治者清淑之氣爲多所謂地靈人傑其在斯乎及謁孔聖廟見其制度卑隘棟宇蝕薄余曰學宮者人文之主宰興廢者人事之轉移也雖山川靈秀而此事尤爲切要諸君盡亟謀諸言未已有起而言者曰前此合邑呈請前任曾主

陸川縣志

卷之二十三

藝文類一記

二十九

重建既准議捐資庀材諏吉於昨歲孟秋興工矣余聞之曰善哉曾君之爲政陸人士之克自振興也夫化民成俗以學道爲先而修己治人以聖道爲準方今道學昌明四子六經炳如星日學問事業功效俱在聖天子崇儒重道胥天下於文治之隆取多士於文學之路者豈教人尋章摘句云爾哉亦使之明體達用而已學者誠能志聖賢之志學聖賢之學由是禮陶樂淑處則立言垂訓出則行道濟時淵源深而根柢自固也然則曾君之倡爲是舉陸人之汲汲斯役者殆有見於此歟尚其同心踴躍毋隳乃力衆僉信余言之不謬也壬辰七月果如期興工向仍古初相陰陽也殿取重簷崇觀瞻也後殿如昨循舊制也

門列維五遵法度也他如兩廡亭堂師生庖舍規模備具悉如法則由其中以觀東面榜山諸峯虎踞龍蟠西望鳳凰天馬出沒隱見北望天柱南望三台鼎峙庶幾吉士多而驥材迭呈乎他日二三子絃誦於斯收山川之雄勝作內治之實功砥行立名以成國家有用之材者不將大異疇昔也哉茲余將入都恨未獲坐觀落成與諸君子講明正學姑述數言以爲慶且爲之勗異時有言於京師曰陸士梁由是奮興也不獨無負曾君教學至意是亦余之大快也夫是爲記

陸川縣三峯書院膏火捐資記

清廣西提督學政 鈕福保 吳興 松泉

蓋聞華膺相高則棄千金而弗顧樵蘇後爨則施一飯而勿忘

陸川縣志 卷之三十三

藝文類一 記

三十

凡情大抵皆然敦族且猶難得而況以計然之術什一持籌於孔子之徒三千負笈者宜若秦人視越肥瘠無關豈期國子升堂膏油有賴如捐資於陸邑之三峯書院以爲師若弟脩精之屬其人誠有足多焉夫以譙國名門本漢代談經之裔定州旁邑居謝仙修道之鄉溯厥前人必恭敬夫維梓宜其多子克負荷夫析薪蓋其父例得晉封五品國學生戴永章創自艱難夙列成均之雋好爲施與卒興富有之家心存展彼長志猶未逮功待紹夫良治力或能勝於是其子守禦所千總曰維經附貢生曰維史詹事府主簿曰維纘增生議叙八品職銜曰維箴布政司理問曰維誥布政司經歷曰維典者共成先志咸肯構

而肯堂嘉惠後人乃多材而多藝比三荆而更倍誼篤聯牀豐
九穀而恆餘資饒負郭爰捐租百有六石值錢二千六百縉有
奇遞年滋息永爲講院經費甚盛舉也從此緇帷絳帳堪供十
庭之儀黃卷青鐙足效三隅之反固陸川而人文蔚起方五嶺
而聖教覃敷適予巡試按臨多士具詞陳狀懇撰文而紀述藉
永其傳緣造士而裁成乃徇其請然予所以屬望於爾多士之
肄業其中者貴窮經以致用各勵姘修毋黨惡以爲非同除痼
習庶無辜使者師儒諄諄至意斯可副若人父子懇懇殷懷至
其造舟以濟迷津烹茶以甦涸轍雖無裨於學校亦足礪夫廉
隅云爾

陸川縣志

卷之二十三

藝文類一記

三十一

龐府讓地建考棚記

清邑
舉人藍時秀 龍川

陸陽搢紳諸家鼎族首推龐氏先世自有明遷於縣治之街西
後復改遷於泗里以故附郭遺地內外西北悉屬之國朝定鼎
賢材踵出閩閩相承官績垂於鼎鐘仁義著於桑梓若星亭嘉
魚石洲諸先生其最著也當是時草昧初開文教繼起凡建學
設教有裨後進之事無不與邑人謀爲之獨考棚缺爾予少讀
龐氏先賢傳即慕其義恨未深知其詳道光壬辰有文廟之役
議求近義路地因得與諸賢達遊細考城中古今更置遺蹟始
知設官立廟地多讓自龐氏然後歎其先君子大造於陸陸之
人被澤不知者正不少也惟時首事諸公揖予而言曰豈惟是

哉今之試院龐氏之故園也往載戊寅議建時衆方以不得地爲憂敬齋紹圖族衆諸公即慨然應曰予街西隙地廣約數畝直長可數十丈左界武廟右倚城垣後枕北門前臨學署厥土燥剛厥位面陽直雄勝地也蓋建是衆議值辭曰普天之下莫非王土矧貢院爲文人發軔之區國家興賢之所又余先人之所欲爲而未竟者豈至今顧惜此芟芟哉壬午落成衆奉六十金往酬卒不受其大義炳著真足媲美前烈惜未勒諸貞珉以昭來許衆曰子盍爲文記之予維以衆人之心爲一心仁也以一已之地爲衆地義也發揚前徽用垂不朽斯又後學之責也陸陽向無試院每校多士於治所擔甃懷鉛躑躅維艱今合謀陸川縣志

卷之二十三

藝文類一記

三十一

創建卽予以不費之地亭堂號舍閔閔壯觀應試諸君科歲均安其手足雕龍繡虎各奏爾能起鳳騰蛟後先輝映未始非嘉惠後進之心以推廣前人仁義於無窮也昔范文正公將家園讓建郡學千載稱爲義舉今龐氏讓地以建考棚事雖不同其有功於文教一也是不可以不記

鼎建陸川縣賓興館記

清邑 覃遠璉 玉次 湖南

粵西山水奇秀甲天下泛湘流入灘江經千曲百折至榕城則諸峯矗立聳出天半恍然曰靈氣所鍾代產偉人宜鼎元之接踵而興也及捧檄宰陸川見山環水複彷彿似之知必有負才積學乘時而起者惟造就之法仍存乎其人耳下車後適值陵

城之變內防外勦鮮半日暇既閱七載於茲矣雖在軍旅敢忘
俎豆每值戎馬倥傯集生童勤考課有進而言者曰陸邊境也
距京師七千餘里諸生幸掇一芹未嘗不思登桂苑瞻木天然
跋涉維艱措資匪易能無望洋興歎乎今欲合衆力襄義舉於
庠序之中寓陶成之用將寒畯皆可奮跡而膺鶚薦躋鵬搏直
指顧間耳蓋賓興之議昉乎此鬱林五屬皆置賓興獨陸川缺
如道光乙巳年間宰是邑者爲黔陽黃斗南觀察長白恩錫三
太守先後建議謀所以舉行之乃甫經規畫仍復扞格中止甚
矣經始之難也自是而後四郊多壘鼓篋橫經之士半多荷戈
敵愾之英公侯干城公侯好仇有古遺風焉顧風俗之端由於

陸川縣志

卷之三十三

藝文類一記

三十三

士習士習之厚蔚爲賢才易曰利用賓於王記曰明七教以興
民德周官曰以鄉三物教萬民而賓興之古先王化民成俗其
不憚作育之殷者豈不以士爲四民之首一經培植便成國器
乎余懼多士之困於艱窘也爰分鶴俸首先倡捐諸紳相與有
成集費至三萬餘緡擇縣城東北隅建賓興館並按十八堡置
買糧田每年約收田租一千三百餘石舉殷實紳士分司其事
凡鄉會試水腳之需歲科考修贄之費皆取諸此是役也經始
於庚申之吉長至日闋次年辛酉十一月卽已落成棟梁煥采
倉廩充盈都人士欣色相告僉謂嘉惠士林煌煌乎鉅典也是
年兩科並舉諸生聯袂觀光倍於曩昔登文武賢書者五人歷

次科竟至八人之多乙丑春聞續報泥金爲從前僅有之事猗歟盛哉因思桃李之姿經培養而益騰其茂璠璣之質勤拂拭而倍發其光天下事創始較難而收效較速斷未有爲其事而無其功者類如此也邇年來餘氛不靖治軍未遑司民牧者每以集團籌餉爲急故以文士而立軍功者所在多有知勵學者也陸川地界南徼風氣素勁諸紳銳意敦文教誨諄諄以賓興爲亟誠爲知先務者矣明時陽明先生統軍征蠻所至敬教勸學專以詩書之氣化強悍之風至今思慕不衰立祠祀之顏曰王文成公講學處璉不才不敢希蹤曩哲竊附斯義願陸人士遵守勿失他日人文鵲起甲第蟬聯處則爲碩學出則爲名臣如陸川縣志

卷之二十三

藝文類一記

三十四

汕太守楊觀察黎孝子龐嘉魚諸鄉先生忠孝節義得入名宦鄉賢馨香俎豆與東山瀑布千秋長流此則璉之所私衷祈禱也者翹首南天企余望之是爲記

呂潔亭公義產記

清邑拔貢呂錫蕃 子菊

產以義名誌美也昔范文正公多義舉置田宅以周所親嫁娶喪葬皆有給載諸傳記炳古耀今然意主於收族且事定於一時行於後世多歷年所無變更廢置論者故專美文正其後無開焉若我高叔祖潔亭公義產始則肇祀以答恩勤終則善述以成先志祖若孫俱有不容沒者公爲輝縣令陳村公猶子也少失怙恃陳村公卵翼之陳村公捐館公深念不能一日忘分

爨曰伯父撫吾厚與所生埒今不諱安忍弁髦且吾以子才蒙先人業權計盈縮皆伯父力吾何有焉陸潭田數十畝別爲伯父祀爲之嗣者守之無失嗟乎仁莫大於撫孤義莫重於報德陳村公盡亞父職無纖芥嫌固加人一等然使當日者公以分門別戶之見爲忘恩背義之行夫誰過而問之即不然進無戾志退無後言存則相養以生歿則相守以死藹然聚處間有所謂知恩者流亦足多矣乃公於天性之中既殷且摯傾囊置產慰冥冥於九京以視世之身受撫摩絕不一顧者其賢不肖何如耶公卒以許易祔改置下村未幾貧乏質於人公之孫相與謀贖之歲給貲祭墓始行終阻甲午冬轉質爲鬻以贖價還因陸川縣志

卷之三十三

藝文類一記

三十五

鳴族索其餘值半益之復市田於陳村得租二十石永立爲祀經族書帖焉且夫善作者不必善成善始者不必善終公以慨然義舉數十年間屢經廢置幾若一髮引千鈞者而後嗣獨能斟酌調劑委曲周全令陳村公之祀永永年代公之義遂照人耳目豈不美哉較之范文正雖不盡同而其義則一也諸尊欲勒貞珉屬記於余余即敘其顛末以垂奕禩使後之慕義者有所考云

呂安德公納糧田租記

呂錫蕃

國家則襄成賦歲有常經二百餘年豁免緩征詔書疊下從未聞有擾民之政食毛履土者宜何如急公好義用答皇仁我太

高祖安德公嘗產二百四十餘石十一房輪收輪祭錢糧亦輪收輪納年清年款上下相安乃歷世久遠人事不齊積欠頻仍追呼被逮身受其累而濫及無辜者何歲無之先大夫文毅公慨然念敬宗收族之法未備即尊君親上之誼未明也與二三老成謀將文睦祖輪值之租積貯生息勞勩有年契買大坡等處田額租四十二石永爲安德公嘗租納糧有分子孫毋得批耕貽誤事甫就緒而遽歸道山遺命呈官存案泐碑垂遠小子蕃銜恤京旋敬聞顛末及今數載懼先志之就湮爰稟族尊遵照一切縣主章批准施行將文諸石嗚呼先大夫不得志於時一似無所建白而一鄉一邑稱道弗衰者覩縷難終此則體烈陸川縣志

卷之二十三

藝文類一記

三十六

祖之心以惠族人且有裨於國穆子所謂一舉而三善備焉使比戶皆倣而行朝廷尚煩催租吏耶苛政之猛愈無庸爲太平慮矣是爲記

龐紀修先生撥租縣賓興館記

清邑舉人劉珍祥 朗山

邑附郭之西有泗里村山水清奇松柏挺秀龐氏聚族其中代以忠孝節義著若嘉魚澁使諸公固已爭輝史乘嘉惠鄉邦矣紀修先生踵而起之以名諸生迭司教鐸所至以作育人材爲斷斷當吾邑賓興館落成先生慨然將其自置下馬寨碑記石等處田租五十石書立撥帖併契券經衆撥交司事管理永爲賓興經費洵盛舉也時呂子薌觀察喜其義之高率衆書領帖

強以授之先生而規模草創諸務未遑未及記其事於石邑人懼其久而湮沒也咸命爲文以記之夫賓興爲作育人材之計其事合邑之事而非一人一家之事故其時以族之大小按主捐貲未有推千金之產好義急公如先生者第先生室非素封而爲是慷慨不吝或疑爲市義沽名則又以小人之腹度君子之心矣夫救災賑饑感人始捷若賓興之育材其效在十年百年以後且賓興之成敗初不繫於先生之撥租與不撥租也先生而欲市義沽名曷不爲彼而爲此乎然則先生樂於爲此者蓋情殷作育視他邑嘗如吾邑視吾邑卽如其一家原其心卽天下一家之心也推其量卽中國一人之量也抑又聞之莫爲陸川縣志

卷之三十三

藝文類一記

三十七

之前雖美勿彰莫爲之後雖盛勿傳先生以名宦後裔年高德邵歸然陸邑靈光其撥租以克襄盛典嘉惠士林者謂其繼美前人也可謂其市義沽名也則不可

重修石龍橋碑記

清邑費湘賦

縣城西北隅有溪焉邑人往來所必經舊因行人病涉創橋濟之年久傾圮無存歲己亥邑紳龐環龐倫何自寬等倡議捐修共費銅錢八十萬閱三月而橋成來請橋之名與記於余余坐衆紳耆而問焉曰橋之沿革何如乎衆曰此非長言能罄也約以歌可乎應曰可乃歌曰懿我陸邑山環水縈西北諸峯峙若列屏馬山由子西塌倉亭諸泉會萃是爲來清朝陽溶液夜月

澄明其清利毅其清鑑形繫維此地岸濶沙平偶逢霖潦下湧
上盈行人瑟縮望洋而驚前哲創始略約以橫兩岸蒼葭萬點
流螢即景評題初名蘆星爰在康熙橋用圯傾龐家四玉繼起
經營以甄易木屹立金城來清改號橋以水名次及乾隆冲坍
再經粉飾補葺踵事以增名曰龍造疑有神功無那花甄難與
水爭剝蝕既盡無基可憑我衆顧之變計以生倡捐遠慮衆志
僉同刷彼巖翠構此飛虹鳩工庀材不日而成橋以石固形似
龍騰嘉名是請用勒貞珉余聞而喜曰美哉歌乎橋之顛末詳
矣橋之名號定矣世之望凝貞固莫如石而神明變化莫如龍
古無歷久不做之物要惟具貞固之體神變化之用者可以補
陸川縣志

卷之三十三

藝文類一記

二十八

救變通遠而彌光此橋三改名爲龍造今諸人易之以石宜以
石龍命名於以誌諸人之所作貞固變通而又不忘前人舊德
也余不文不能爲諸人潤色請轉以所歌勒於石庶後之人摩
石而歌履橋而流連又因以不忘諸人之德而增修無替也

增修考棚記

清邑進士 李慶雲 郁卿

考棚之設所以嚴關防而卽以庇多士制至善也我邑自戊寅
創建以來多歷年所士氣文風蒸蒸日上應考者視昔加倍人
浮於號每扁試強者爭先入佔號兼旁座弱者後至席地露天
則自備几案抽毫於檐牙壁角間勞逸不均屢以爭號起釁者
老憂之謀所以增修之者僉議添建兩廊於舊四廊外置號有

餘自無擁擠之弊程材慮物非四千緡不辦或議抽捐試士或議闔邑捐題久而不就余戚呂剛卿慨然曰公建則費多獨修則用省如以私家之工處之一切設局催收採辦董理諸冗費可概省也目擊湫隘囂陵而不早爲之所如士習何增修之費若干某當獨任之顧考棚左右泗里龐氏舊撥地已爲居人侵佔非龐氏出而清釐之不可得龐雄三起而應曰吾先人撥地之雅與剛卿獨修之舉正以見人心好善先後有同情敢不勉繼先人之志以成剛卿之義遂力任清釐之責與賓興諸君子召棚側居人酌給貲費使之斫其木徙其廬而基趾以廓剛卿乃就其家輦貲來鳩工庀材親操鼙鼓巡斲削闕甃甃審宋桷

陸川縣志

卷之二十三

藝文類一 記

三十九

規畫躊躇若營私室者然自丁丑至戊寅分年遞修一律告竣廊下號板號石備料緻工堅通體明敞計增修長廊二爲棟二十二間爲號九十九條號容九人增崇圍牆六處共費錢二千六百緡而闔邑永受其賜夫剛卿邑之中戶非有猗頓鳴夷之富也特以慨念爭端急思有以靖之遂不惜竭蹶經營嘉惠後起是心也即聖賢欲立立人欲達達人見善如不及之心也嗚呼童子不爭其所爭而爭之於號思逞於司牧師保之旁禮樂文章之地進身伊始即已習爲固然異日得志踵而行之其害有不可勝言者自有剛卿之增修不戢其爭而自無所爭潛挽頽風於不覺人知其庇多士之身者惠甚溥而不知其庇多士

之心者惠更深也行見士之懷才就試者禮容樂節臚唱而升握管銜枚各據素蘊本矜平躁釋之心發而爲體大思精之作俾衡文者卽其立言之粹進覘其心術之純連彙取之登進於朝用彰聖天子棧樸作人之治是藝林之厚幸也夫爰記增修顛末於壁以諗後之應試者

賴烈婦潘氏墓碑記

清邑彭言孝石愚
湖南

烈婦潘姓縣民顯仁之女長適同里賴國松光緒二十年除夕姑病國松賈於縣未歸烈婦以元日癸酉來覓問道於黎綽號過街響者黎給入他室強逼之不從甲戌國松微聞之突入烈婦見國松痛哭語顛末畢曰妾辱君矣遂自刎國松遽奪其刃

陸川縣志

卷之二十三

藝文類一記

四十

不殊越丁丑蘇復以手貫喉而死年二十有四葬朗洞堡泰嶺山枕壬丙兼子午前宰置黎於獄越四年李逆陷縣城黎出爲賊誅死或曰婦實從黎及見國松始以羞憤死以此語婦此特助黎免死之辭而已失節者不能死能死者不能失節事固可一言決耳烈婦求死之從容自刎絕吭之慷慨雖古烈丈夫何以加茲且國松救治累日又非以婦不死爲嫌也或曰婦能死於見逼之時斯無遺議矣烈婦以一弱女子倉卒被陷人無知之者若忿於一擲黎且銷滅其跡而雌黃之人必以婦爲有竊而逃也或更以死累及國松烈婦固審之熟矣夫烈婦之死彰彰如是而人有異詞何小人之好議論而不樂成人之美哉彼

李逆以一博徒揭竿而起一時濡忍而從之者則又何說嗚呼
此大亂之所由起歟烈婦無子聞其死時且有娠今國松遠賈
海外命賴氏立兆隆以嗣且將上聞以俟旌表焉光緒二十五
年己亥歲

陸川縣志

卷之三十三

藝文類一 記

四十一